

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
JU SLUŽBA ZA ZAPOŠLJAVANJE TK  
TUZLA**

Broj: 01-45-4-692-1/24  
Tuzla, 18.07.2024. godine



Na osnovu Zakona o posredovanju u zapošljavanju i socijalnoj sigurnosti nezaposlenih osoba („Službene novine Federacije BiH“, broj: 41/01, 22/05 i 9/08), Pravilnika o mjerama za podsticaj zapošljavanja JU Služba za zapošljavanje TK, broj: 01-02-41/18-66/12-2 od 27.12.2018. godine i Programa sufinansiranja zapošljavanja 2024 JU Služba za zapošljavanje TK, broj: 01/1-04-1-684-23-2/24 od 10.07.2024. godine, JU Služba za zapošljavanje TK, objavljuje

**JAVNI POZIV  
za učešće poslodavaca u  
Programu sufinansiranja zapošljavanja 2024**

**1. CILJ**

Za realizaciju Programa sufinansiranja zapošljavanja 2024 JU Služba za zapošljavanje TK (u daljem tekstu: Program) planirana su sredstva u iznosu od 2.699.160,00 KM, s ciljem sufinansiranja zapošljavanja 271 nezaposlene osobe, kako bi se olakšala integracija na tržištu rada, spriječila dugotrajna nezaposlenost i doprinijelo smanjenju stope nezaposlenosti u Tuzlanskom kantonu.

**2. CILJNA GRUPA**

U okviru ovog Programa se sufinansira zapošljavanje nezaposlenih osoba sa evidencije nezaposlenih u Tuzlanskom kantonu, bez obzira na radno iskustvo, spol, dob i stručnu spremu, a s ciljem smanjenja nezaposlenosti u Tuzlanskom kantonu.

**3. KORISNICI**


**3.1. Poslodavci**

Korisnici Programa su poslodavci registrovani u Tuzlanskom kantonu, koji redovno izmiruju obaveze po osnovu poreza i doprinosa, te oni koji imaju potpisan sporazum sa Poreznom upravom Federacije BiH o izmirenju duga po osnovu doprinosa, kao i oni na koje se odnosi Zakon o finansijskoj konsolidaciji.

Po prijavi/zahtjevu poslodavcu se može odobriti sufinansiranje najviše deset (10) osoba.

U Programu ne mogu učestvovati:

- poslodavci koji su koristili kreditna ili bespovratna sredstva iz poticajnih mjera Federalnog zavoda za zapošljavanje/Službe, a nisu ispoštovali obaveze u skladu sa zaključenim ugovorom,
- poslodavci koji nemaju radnika prijavljenih na jedinstveni porezni sistem,



- poslodavci kod kojih je evidentiran „rad na crno“, od strane Kantonalne uprave za inspeksijske poslove u posljednjih 12 mjeseci prije dana objave Javnog poziva, a o čemu je Kantonalna uprava za inspeksijske poslove obavijestila Službu,
- poslodavci koji ne izmiruju redovno obaveze po osnovu poreza i doprinosa.

Poslodavcu se neće sufinansirati zapošljavanje sljedećih osoba:

- nezaposlene osobe koje je već zapošljavao, a kojima je prestao radni odnos kod tog poslodavca u posljednjih 12 mjeseci prije dana objave Javnog poziva.

### 3.2. Nezaposlene osobe

Korisnici Programa su nezaposlene osobe prijavljene na evidenciju nezaposlenih Službe, dan prije objave Javnog poziva.

## 4. POTICAJNA MJERA

Program podrazumijeva sufinansiranje zapošljavanja osoba prijavljenih na evidenciju nezaposlenih u Tuzlanskom kantonu dan prije objave Javnog poziva, bez obzira na radno iskustvo, spol, dob i stručnu spremu, u trajanju od 12 mjeseci.

### 4.1. Iznos sufinansiranja

- Iznos od 830,00 KM za protekli mjesec u trajanju od 12 mjeseci

## 5. PRIJAVA NA JAVNI POZIV

Poslodavac preuzima Prijavu/Zahtjev (Prilog 1.) na web stranici [www.szztk.ba](http://www.szztk.ba) ili u nadležnom općinskom birou, kao i u sjedištu JU Služba za zapošljavanje TK i dostavlja Službi, sljedeću dokumentaciju:

- Prijava/zahtjev, potpisan i ovjeren pečatom poslodavca
- Broj glavnog bankovnog računa poslodavca u poslovnoj banci na koji će se sredstva doznačiti (kopija),
- **Original ili ovjereni kopija** Uvjerenja Porezne uprave Federacije BiH o izmirenim porezima i doprinosima, **ne starija od mjesec dana od dana objave** Javnog poziva ili Sporazum s Poreznom upravom Federacije BiH o izmirenju duga po osnovu poreza i doprinosa, organi uprave i druge institucije koje posluju preko trezora umjesto Uvjerenja Porezne uprave dostavljaju dokaz da trezorski posluju, sa naznakom „u svrhu učestvovanja u Programu zapošljavanja“.

**Rok za podnošenje prijave je 8 (osam) dana od dana objavljivanja Javnog poziva.**

Prijave sa potrebnom dokumentacijom predaju se **u zatvorenoj koverti, neposredno ili se šalju preporučenom poštom sa obaveznom naznakom vremena prijema**, na adresu

**JU Služba za zapošljavanje TK**

**Bosne Srebrene bb**

**75 000 Tuzla**

**sa naznakom prijave na učešće poslodavaca u**

**Programu sufinansiranja zapošljavanja 2024 – NE OTVARAJ**

Prijave sa nekompletnom dokumentacijom neće se uzeti u razmatranje.



## **6. OBRADA PRISTIGLIH PRIJAVA/ZAHTJEVA**

Komisija koju imenuje direktor, provjerava kvalificiranost poslodavaca za učešće u Programu na osnovu podataka iz prijave, drugih dokaza uz prijavu, vlastitih evidencija (ispunjenost obaveza po ugovorima iz prethodnih godina i sl.) i podataka o „radu na crno“ koje je Kantonalna uprava za inspeksijske poslove dostavila Službi.

Nakon izvršenih provjera Komisija sačinjava prijedlog Liste poslodavaca koji ispunjavaju uslove Javnog poziva, prijedlog Liste poslodavaca „na čekanju“ (poslodavci koji ispunjavaju uslove, ali radi nedostatka sredstava zahtjevi nisu im odobreni), kao i prijedlog Liste poslodavaca koji ne ispunjavaju uslove Javnog poziva, te iste dostavlja direktoru na odobravanje.

## **7. ODOBRAVANJE ZAHTJEVA I OBJAVA LISTI POSLODAVACA**

Direktor Službe donosi odluku o odobravanju listi poslodavaca.  
Liste poslodavaca se objavljuju na web stranici Službe, [www.szztk.ba](http://www.szztk.ba).

## **8. NAPOMENA**


Ukoliko se ne utroše novčana sredstva, Služba može ponoviti Javni poziv.

Ukoliko poslodavci kojima su sredstva odobrena za sufinansiranje zapošljavanja odustanu od zaključivanja ugovora ili zaključe ugovor za manji broj osoba od broja odobrenih, Služba vrši odobravanje poslodavaca redom sa Liste poslodavaca kojima nije odobreno sufinansiranje radi nedostatka sredstava, ako poslodavac ispunjava uslove Programa.

Služba nema obavezu vraćanja dokumentacije podnosiocima zahtjeva.

**JU Služba za zapošljavanje**

**Tuzlanskog kantona**

**PRIJAVA/ZAHTJEV****Program sufinansiranja zapošljavanja 2024**

PODACI O POSLODAVCU	
Naziv poslovnog subjekta	
Općina	
Adresa	
Telefon	
E-mail	
Ovlašteno lice	
Kontakt osoba	
Djelatnost	
JIB poslovnog subjekta	
Naziv banke u kojoj se vodi glavni račun	
Broj glavnog bankovnog računa	
Vrsta poslodavca (privatni/javni)	
Broj trenutno zaposlenih	
Broj traženih osoba	

Potpis ovlaštenog lica

Pečat poslovnog subjekta

Datum: